

Sakspapir

Sakshandsamar	Arkiv	ArkivsakID
Sveinung Toft	FA - N64, TI - &13	17/398

Saknr	Utval	Type	Dato
	Kommunestyret	PS	
059/2018	Formannskapet	PS	11.06.2018

Prosjekt fiber til bygder i Masfjorden 2018 -2019

Vedlegg:

Journalposttittel

Tildelingsbrev - tilskot til breibands (L)(64306)

Dato

25.04.2018

Rådmannen sitt framlegg til vedtak:

Masfjorden kommune vedtek å byggja ut fiber til heimar innafor ei kostnadsramme på krone 11.483.739,- jf. tilbodet frå Telenor Norge AS gjeve i brev av 17.04.2018. Prosjektet vert finansiert med statleg tilskot og kommunale fondsmidlar, disposisjonsfond drift.

Saksopplysningar:

Bakgrunn

Formannskapet fekk i møte 24.april informasjon om gjennomført anbod på rest fiberutbygging, og forslag til avtale, frist for signering av kontrakt er 25. juni 2018. Formannskapet ba om at det vert framlagt ekstra sak for kommunestyret allereie til møte den 3.mai.

Fakta:

NKOM tildelte i brev av 3.oktober 2017 krone 6 millioner til vidare breibandsutbygging i Masfjorden. Bakgrunnen for søknaden var sak 020/17 i kommunestyret den 4. mai 2017, sjå vedlegg.

I denne saka gjorde kommunestyret følgjande vedtak:

Kommunestyret løyver inntil 25 % av tilskotsummen avgrensa til inntil kr 2 mill. Dette vert å innarbeide i årsbudsjettet og i økonomiplanen når eventuelt tilskot frå NKOM er tildelt.

Finansieringsdelen må såleis innarbeidast i økonomiplanen i budsjettssalderingssaka som er oppe den

3.mai, og konkret innarbeidast i 2019 driftsbudsjettet.

I saksutgreiinga til dette kommunestyret vart følgjande fakta lagt fram:

«Masfjorden kommune har i brev av 06.04.2017 fått tilsagn om midlar frå Hordaland fylkeskommune med krone 315.000,- til Rekneset og krone 266.000,- til Giljane/ Skjelsundet. Giljane/ Skjelsundet har ei kostnadsramme på krone 800.000,- og Rekneset ei kostnadsramme på krone 900.000,-. Tilskotet frå fylkeskommunen skal dekke 34 % av akkumulerte kostnader.

Avtalen med Telenor Norge AS og som skal byggjast ut i løpet av 2017 gjeld følgjande område:

1) Sandnes/ Kvamme, 2) Matre, 3) Hosteland, 4) Haugsvær, 5) Solheim, 6) Sleire/ Frøyset, 7) Straumsvika og 8) Ytre Haugsdal/ Haugsdalsvågen. Det vert vist til kart på heimesida.

I tillegg er det inngått to tilleggsavtalar til med Telenor, og det er dei to områda Rekneset og Andvik. Desse skal byggjast ut med fiber innan 15. juli 2018. Kontrakten med Telenor om å byggja ut Rekneset er på krone 900.000,-. Kontrakten med Telenor som gjeld området ved Andvik er på krone 1.000.000,-. «

I vinter vart det inngått kontrakt med Telenor for utbygging til Giljane/ Skjelsundet for krone 850.000,-. Denne utbygginga vil verta fullført i løpet av hausten 2018 om alt går etter planen.

Masfjorden kommune har vinteren 2018 hatt ute konkurranse for innhenting av tilbod på bygging av fiber til følgjande bygder og stadar i kommunen.

Område	Stadsnamn	Antal husstandar sjå rekneark
1	Kvamme – Kjekallen	
2	Duesund	
3	Arekleitt	
4	Ådnekvamme	
5	Mollandseid	
6	Risnes	
7	Tangedal	
8	Kjerdal	
9	Låveidet – Gunnarbu	
10	Bergsvik	
11	Fossdal	
12	Solhaug	
13	Eikemo	
14	Knappen	
15	Kalhovda	
16	Indre Hope	
17	Trodalen	
18	Indre Haugsdal	

19	Haukeland	
20	Kvamsdalen – Byrkjeland	
21	Molland	

Det vert i tillegg vist til kart nedunder som viser områda.



Det var berre Telenor Norge AS som kom med tilbod innanfor fristen den 20.april. I tilbodet skriv dei at om kommunen går for full utbygging vil selskapet gje 1 million kroner i rabatt. Det betyr at anleggsbidraget for å fullføra heile utbygginga til alle desse 21 områda kjem på krone 11.483 .739. eks mva. Sjøve tilbodet med prising av delområder og gruppeområder er konfidensielt, og vil verta lagt fram i kommunestyret om ønskjeleg. Telenor skriv at dei vedstår seg tilbodet fram til og med 25.06.2018.

ITelenor Norge AS har delt opp utbygginga i gruppevise område, som reint utbyggingsmessig heng saman, slik at til dømes nr. 1 er eit område, og nr. 11,12,13 og 15 er eit anna område osv.

I tilbodet står dette oppført slik:

«Område 1 kan velges separat
Område 2,5 og 21 må velges samlet.
Område 3,6,7 og 8 må velges samlet.
Område 4 kan velges separat.

Område 10 kan velges separat.
Område 9 og 20 må velges samlet.
Område 11,12,13 og 15 må velges samlet.
Område 14,16,17,18 og 19 må velges samlet»

Vurdering

Dersom kommunestyret vedtek å gå for full utbygging til alle dei 21 delområda vil det medføra at så godt som alle bustader i Masfjorden kommune vil få tilbod om fullverdig breiband med fiber i løpet av 2019. Rabatten på krone 1 million medfører at grensekostnaden i breibandprosjektet i Masfjorden vert lågare enn det det elles hadde vorte, og gjer at det vert lettare å argumentere for full utbygging i heile kommunen.

I budsjettssalderingssaka 2018 er det innarbeidd finansiering av tiltak knytt til nkom tilskot tildelt 2016. Etter gjeldande vedtak kan kommunen bruke inntil 8 mill.kr (6 mill.kr. i statstilskot og eigenfinansieringsdel med 2 mill.kr). Førebels er ingen finansiering knytt til nkom tildeling 2017 innarbeid i økonomiplan eller budsjett.

Anleggsbidraget på til saman krone 11.483.739,- må finansierast i løpet av 2019, og den kommunale finansieringsdelen aukar i såfall kraftig, til 5,5 mill.kr.

Nkom tilskot 2017 er utbetalt, og ført til inntekt i 2017 rekneskapen. Full utbygging etter gjennomført anbod, som ein legg til grunn vil komme i 2019, vil svekke netto driftsresultat med 11,5 mill.kr i 2019.

Kommuneprp. 2019 vart framlagt 15.mai 2018, og ein håpte i forkant på at distriktsindeksen vart justert i tråd med høyringsnotat, og at Masfjorden ville få tilført om lag 2,5 mill.kr. meir i årlege overføringa framover, og at desse midlane kunne ha vorte øyremerkte fibersatsinga, men dette skjedde ikkje, og utsett på ubestemt tid.

Kommunal finansieringsdel på 5,5 mill.kr. vert eit tøft løft for Masfjorden, dette kombinert med at det kjem utgifter til forventa kostnader/arbeid med realisering av Masfjordsambandet, samt at det garantert vil påføre kommunen ein del kostnader, både investering og drift i samband med kjøp av utseksjonert del i Fensfjordbygg, utover det som er lagt inn i økonomiplanen – og tidlegare rammesak, samt stor usikkerheit knytt til utvikling og inntekter frå eigedomsskatten i åra framover og driftsnivå jf. 2017. Det som gjer at ein vel å tilrå full utbygging er at ein ser for seg finansiering av prosjektet med meirinntekter konsesjonskraft 2018, med gode prisar i spot for årets 5 første månader og prissikring for resten av året, gjev samla ein gevinst utover budsjett på kommunen sin finansieringsdel fiberprosjektet, dvs. 5,5 mill.kr., og at ein sett av desse midlane i 2018 til fond, og bruker fond i 2019 til delfinansiering av fiberprosjektet.

Konklusjon

Rådmannen rår til at kommunestyret gjennomfører full utbygging i samsvar med tilbodet gjeve frå Telenor Norge AS i tilbodsskjema/ brev av 17.04.2018.

Formannskapet - 059/2018

FS - behandling:

Saka vart drøfta.

Framlegg til vedtak vart samrøystes tilrådd til kommunestyret.

FS - vedtak:

Masfjorden kommune vedtek å byggja ut fiber til heimar innafor ei kostnadsramme på krone 11.483.739,- jf. tilbudet frå Telenor Norge AS gjeve i brev av 17.04.2018. Prosjektet vert finansiert med statleg tilskot og kommunale fondsmidlar, disposisjonsfond drift.